



XV.

TRACTATUS ARISTOTELIS
ALCHYMISTÆ AD ALEXAN-
D'RUM MAGNUM, DE LAPIDE PHI-
losophico olim conscriptus, & à quo-
dam Christiano Philosopho
collectus.

BREVIO QVIVM.



CHRISTI Nomine invocato, consideravi, quod in actibus naturæ, artis ministerio perficiendis, plerique libros Philosophorum secundum corticem intelligentes verborum operentur inutiliter, & damna rerum suarum incurrant innumera: In hoc igitur tractatu figuram quandam ponam, ipsam in parte declaraturus, ut in quodam libro reperi, qui fuit declaratio Meteororum Aristotelis, quem in tranquillitate pacis super hac figura Alexandro transmisit: Accipe Lapidem animale, vegetabile: Cuius translationem fieri fecit Honorius PAPA, à lingua Hebraica in latinum sermonem, per quendam Græcum in hac arte perfectum.

Vnde omissis variis operibus metallorum quorumcunque & Spirituum, cum NATURA suos gradus ad finem ultimum perfectissimum deducat, ostendit in metallis, ubi in profundum errorum per subtilitates apparentes singuli decipiantur, quid sit tunc agendum.

Audi Fili, audi doctrinam Patris Philosophorum, Aristotelis Spagyri, qui tibi præcipit, ut accipias Lapidem animale, vegetabile, minerale, &c. ubi liquet, Lapidem animale esse, qui tanquam serpens ex corruptione perfectissimæ naturæ humanæ de industria inter duos montes emissus gignitur,